

TEKS UCAPAN
BRIG. JEN. DATUK PROF DR KAMARUDDIN HUSSIN
NAIB CANSELOR, UNIVERSITI MALAYSIA PERLIS
SEMPENA MAJLIS SANTAPAN MALAM
ISTIADAT KONVOKESYEN KE-9 UniMAP
PADA 26 SEPTEMBER 2014 DI DEWAN ILMU
KAMPUS UniMAP PAUH PUTRA, ARAU

Bismillah Hirrahman Nirrahim

Alhamdulillah Rabbil A'lamin, Wabihi Nasta'in, Selawat dan Salam ke atas Rasul Junjungan Nabi Muhammad (S.A.W) serta sahabat-sahabat baginda sekalian.

Assalamualaikum Warahmatullahi Wabarakatuh

Salam Perlis “Raja Berdaulat, Rakyat Berilmu, Negeri Sejahtera, Perlis Maju” Salam Ilmu, Keikhlasan, Kecemerlangan UniMAP

SALUTASI DIRAJA

Mengadap Raja Muda Perlis, Duli Yang Teramat Mulia Tuanku Syed Faizuddin Putra Ibni Tuanku Syed Sirajuddin Jamalullail, merangkap Tuanku Canselor UniMAP dan Raja Puan Muda Perlis Duli Yang Teramat Mulia Tuanku Hajjah Lailatul Shahreen Akashah Khalil, merangkap Tuanku Pro-Canselor UniMAP.

Ampun Tuanku, Sembah Patik Mohon Diampun,

Patik dan seluruh warga Universiti Malaysia Perlis merafak sembah, menjunjung kasih yang tidak terhingga, di atas perkenan Duli Tuanku berdua berkenan meneruskan tradisi bercemar Duli berangkat hadir ke Majlis Santapan Malam sempena Istiadat Konvokesyen Ke-9 UniMAP pada malam ini. Sesungguhnya, kehadiran Duli Tuanku berdua pada majlis ini, bukan sahaja menambahkan seri,

malah bakal meninggalkan kenangan yang cukup manis buat patik sekalian yang hadir terutama bakal-bakal graduan.

***Tuanku selalu bercemar duli,
Memenuhi jemputan seluruh negeri,
Kebaikan Tuanku dekat di hati,
Warga UniMAP gembira tak terperi.***

***Burung nuri terbang ke lembah,
Hinggap megah di tengah kota,
1 UniMAP merafak sembah,
Daulat Tuanku Payung Mahkota***

Ampun Tuanku, Izini patik menyampaikan ucapan kepada barisan tetamu yang dimulakan dan para graduan yang diraikan.

SALUTASI

Yang Amat Berhormat, Datuk Seri Azlan Man, Menteri Besar Perlis dan Yang Amat Berbahagia Datin Seri,

Yang Berhormat, Tuan Haji Hamdan Bahari, Speaker Dewan Undangan Negeri Perlis dan Isteri

Yang Berhormat Ahli – ahli Majlis Mesyuarat Kerajaan Negeri dan Ahli – ahli
Yang Berhormat

Y. Berbahagia Dato' Prof. Emeritus Ir. Dr. Zainai Bin Mohamed, Pengerusi Lembaga Pengarah Universiti

Yang Berbahagia Tan Sri Dato' Seri Paduka Dr. Haji Shafiee Bin Haji Mohd. Salleh, Penerima Ijazah Kehormat (Doktor Pengurusan) Universiti Malaysia Perlis,

Bahagian Media PNC – Suhana

The Honourable, Prof. Dr. Ali Hussain Resha Al-Jaary, Penerima Ijazah Kehormat (Doktor Kejuruteraan) Universiti Malaysia Perlis

The Honourable Prof. Dr. Mohammed A. BinHussain, Penerima Ijazah Kehormat (Doktor Sains) Universiti Malaysia Perlis.

Yang Berbahagia Ahli-ahli Lembaga Pengarah Universiti,

Yang berbahagia Ketua-ketua Jabatan Persekutuan dan Negeri Perlis

Yang Berbahagia, Naib-naib Canselor IPTA atau wakil dan Naib Canselor/Rektor universiti luar negara atau wakil, dan Wakil-wakil Industri,

Dif-Dif Kehormat,

Yang Berbahagia Timbalan-timbalan Naib Canselor UniMAP, Pegawai-pegawai Utama UniMAP, Penolong- penolong Naib Canselor, Dekan-dekan dan Ketua-ketua Jabatan UniMAP,

Wakil-wakil Media yang dihormati, Warga kerja dan para graduan UniMAP yang dikasihi sekalian.

ALUAN KATA

Alhamdulillah, marilah kita merafakkan rasa syukur ke hadrat Allah SWT yang memanjangkan usia serta memberikan kesihatan yang baik buat kita hingga membolehkan kita berhimpun dalam Majlis Santapan Malam sempena Istiadat Konvokesyen Ke-8 UniMAP pada malam ini.

Ribuan terima kasih diucapkan kepada barisan tetamu serta dif-dif kehormat yang sudi hadir dan memeriahkan lagi majlis malam ini. Terima kasih juga buat Tan Sri Dato' Seri Paduka Dr. Haji Shafie Bin Haji Mohd. Salleh – penerima Ijazah Kehormat UniMAP (Doktor Pengurusan) yang turut melapangkan masa

menghadiri majlis santapan pada malam ini. Sekalung tahniah juga dari kami di UniMAP buat Tan Sri dan semoga penganugerahan ini akan mengeratkan lagi hubungan antara Tan Sri dan UniMAP

Saya juga ingin mengambil kesempatan ini untuk merakamkan ucapan penghargaan dan terima kasih buat penerima Ijazah Kehormat UniMAP dari luar negara iaitu : Prof Dr. Ali Hussain Reshak Al-Jaary, dan Prof. Dr. Mohammed A. BinHussain.

Sesungguhnya, UniMAP amat beruntung dapat mengenali kedua-dua tokoh ini yang tanpa jemu terus membantu UniMAP untuk unggul di persada antarabangsa. Semoga kerjasama dan jalinan hubungan ini akan terus erat dan saya juga mengharapkan sokongan dan komitmen berterusan dari Prof berdua untuk membantu UniMAP terus cemerlang di persada dunia.

Thank you and congratulation once again.

Tidak ketinggalan, jutaan terima kasih dan tahniah diucapkan kepada ahli jawatankuasa Majlis Santapan Malam yakni kakitangan Fakulti Teknologi Kejuruteraan kerana telah bertungkus lumus memastikan kelancaran majlis malam ini. Pengorbanan dan usaha gigih anda amat saya hargai.

TEMA SANTAPAN MALAM : GOLDEN GLAM FUTURISTIK

Hadirin dan hadirat sekalian,

***Busana indah untuk rupawan,
Menjadi igauan putera kayangan,
Hiasan emas warna kegemilangan,
Glamour dan futuristic tema pilihan.***

Malam ini bakal melakar sejarah tersendiri buat kami warga UniMAP apabila buat julung kalinya Majlis Santapan Malam Istiadat Konvokesyen UniMAP berlangsung di dalam kampus Tetap UniMAP Pauh Putra yang kami cintai. Dewan Ilmu nama diberi - dewan yang serba indah dengan hiasan bertemakan warna keemasan dan limpahan cahaya lampu pelbagai warna membangkitkan rasa glamour dengan sentuhan futuristik.

Warna emas di sini menggambarkan kejayaan dan kegemilangan yang telah diraih oleh UniMAP sepanjang 12 tahun penubuhan yang mana ia turut dipamerkan di salah satu sudut galeri.

Memandangkan ia dianjurkan oleh Fakulti Teknologi Kejuruteraan, tema futuristic menjadi pilihan yang mana ia menggambarkan, dengan adanya teknologi segala impian akan menjadi kenyataan. Gabungan kemajuan, teknologi dan kejayaan akan meningkatkan keterlihatan UniMAP di persada antarabangsa.

UniMAP MERENTASI SEDEKAD PENUBUHAN

Hadirin dan hadirat sekalian,

***Ilmu keikhlasan kami taburkan,
Onak dan duri kami rentasi,
UniMAP menyusuri sedekad penubuhan,
Menyulam misi mencapai visi.***

Merentasi usia sedekad penubuhannya, UniMAP terus gah mengorak langkah sebagai institusi pengajian tinggi awam (IPTA) yang terbukti mampu melahirkan jurutera berkemahiran tinggi bagi memenuhi pasaran kerja.

Alhamdulillah, selaku Naib Canselor UniMAP, saya mewakili sekalian warga UniMAP amat berbangga kerana dalam tempoh lebih sedekad, seramai 10,334 graduan baik diperingkat Diploma, Ijazah Sarjana Muda, Ijazah Sarjana dan

Ijazah Doktor Falsafah berjaya dilahirkan dan paling manis semuanya terbukti memenuhi pasaran kerja termasuk di syarikat multi-nasional dan juga di luar negara. Tidak ketinggalan, terdapat ramai juga graduan UniMAP memilih untuk menyambung pengajian ke peringkat tertinggi dan kembali bertugas di UniMAP sebagai pensyarah.

Jika dilihat secara lebih terperinci :

- Tahun 2006 – sebanyak 111 graduan
- Tahun 2007 – sebanyak 563 graduan
- Tahun 2008 – sebanyak 652 graduan
- Tahun 2009 – sebanyak 1,012 graduan
- Tahun 2010 – sebanyak 1,176 graduan
- Tahun 2011 – sebanyak 1,238 graduan
- Tahun 2012 – sebanyak 1,830 graduan
- Tahun 2014 – sebanyak 1,877 graduan
- Tahun 2015 – sebanyak 1,875 graduan

Jumlah graduan ini secara tidak langsung menjadi bukti komitmen jitu UniMAP dalam melahirkan modal insan kamil yang berdaya saing dan menyumbang kepada agenda pembangunan negara selaras dengan misi UniMAP itu sendiri.

Sesungguhnya, pada malam ini juga, saya amat berbangga apabila mendapat maklumbalas, **71% daripada 1,731 orang** graduan yang terdiri dari graduan sarjana muda dan diploma yang bakal bergraduasi Esok dan Ahad telah mendapat pekerjaan dalam pelbagai sektor dan ada diantaranya sedang mengikuti latihan pekerjaan di syarikat yang terlibat. Tahniah dan syabas.

UniMAP DAN QS STARS

Hadirin dan hadirat sekalian,

Bahagian Media PNC – Suhana

***Warga bersatu teras perpaduan,
Satu matlamat satu suara,
Tiga bintang pencetus impian
Cekal menjadi permata negara***

Baru baru ini Universiti Malaysia Perlis (UNIMAP) menjadi universiti kedua dari Malaysia mendapat penarafan QS Stars 3 Bintang oleh badan penarafan dunia, QS Intelligence Unit, yang berpejabat di United Kingdom. Penarafan ini memberikan semangat dan anjukkan paradigma baru kepada UniMAP untuk terus mara dan maju ke hadapan bagi merealisasikan impian UniMAP menjadi salah satu universiti terbaik di Asia dan didunia.

Daripada 8 kriteria yang diaudit, UniMAP mendapat 5 bintang untuk kriteria Pembelajaran dan kriteria fasiliti. Bagi kebolehpasaran dan kerjaya UniMAP mendapat 3 bintang.

Saya sekali lagi mengucapkan terima kasih atas sokongan dan dokongan rakan-rakan industri dalam usaha memantapkan kerjaya mahasiswa mahasiswi UniMAP. Saya juga ingin mengucapkan ribuan terima kasih kepada rakan rakan industri yang memberikan respon kepada soal selidik yang dihantar oleh QS Intelligence Unit. Tanpa sokongan tuan tuan dan puan puan kita tidak mungkin mencapai taraf sebegini. Insyallah pada sesi audit akan datang (2017) UniMAP meletakkan sasaran untuk mencapai prestasi 5 bintang keseluruhannya dan pada masa sama menambah baik prestasi indikator serta kriteria yang digariskan dalam QS Stars.

Untuk memastikan UniMAP terus relevan dalam menghasilkan kebolehpasaran graduannya, kami sentiasa menambahbaik program ditawarkan di segenap peringkat supaya selaras kehendak semasa dan pihak industri.

Antaranya, menawarkan 13 program pengajian Kejuruteraan Teknologi menerusi Fakulti Teknologi Kejuruteraan, yang mana kesemua program teknologi

kejuruteraan di UniMAP akan menggunakan pendekatan pengajaran dan pembelajaran yang berorientasikan praktikal.

Penawaran kursus ini dibuat adalah untuk membolehkan selain lepasan Matrikulasi dan STPM, graduan berkelayakan peringkat diploma dan sijil dari politeknik, sekolah teknik dan vokasional, institut latihan dan kolej teknikal yang berada di seluruh Malaysia dapat melanjutkan pengajian ke peringkat ijazah.

Dalam usaha memenuhi perkembangan teknologi tanpa sempadan serta komunikasi dan penyebaran maklumat, terbaru pada sesi kemasukan pelajar 2014/2015 awal bulan lalu, UniMAP mengorak langkah memperkenalkan kursus Ijazah Sarjana Muda (Kepujian) Komunikasi Media Baharu, yang ditawarkan di bawah Pusat Pengajian Pembangunan Insan dan Teknokomunikasi atau dikenali iKOM.

Matlamat utama penyediaan kursus ini bertujuan melahirkan graduan yang mempunyai pengetahuan dan kemahiran dalam bidang komunikasi, media baharu dan teknologi maklumat yang berdaya saing, inovatif dan kreatif seiring dengan keperluan industri.

Dalam aspek Penyelidikan dan Pembangunan (R&D) pula, UniMAP akan memberikan tumpuan untuk usaha meningkatkan sitasi (citation) jurnal-jurnal yang memberi impak. Penumpuan juga akan diberikan kepada penerbitan jurnal yang berkualiti tanpa mengabaikan peningkatan penerbitan jurnal dalam kuantiti.

Cabaran meningkatkan sitasi ini bukan sekadar di kalangan warga akademik di UniMAP sahaja, tetapi keseluruhan universiti di Malaysia bila mana audit WUR menyatakan purata markah sitasi di Malaysia adalah 5.7 berbanding purata markah global 3.8. Sebagai Pengerusi JKNCR, ini juga merupakan hala tuju saya dalam memastikan purata markah sitasi Malaysia adalah setara dengan global.

UniMAP juga akan mula menawarkan lebih banyak kursus secara online. Untuk itu UniMAP memperkenalkan Intercifying Online Learning (IOL) yang menyediakan platform E-Learning dan Open Access Courses khusus untuk memudahkan pelajar mendapat nota mengenai sesuatu subjek secara online. Perkara ini bukan sekadar melibatkan UniMAP sahaja, tetapi di kembangkan dengan penglibatan rakan-rakan akademik luar menerusi platform Asian University President Forum (AUPF).

KERJASAMA INDUSTRI

Hadirin dan hadirat sekalian,

Redup Mentari Diufuk Barat

Redup Menanti Insan Tercinta

UniMAP Industri berjabat erat

Membangun Bersama Malaysia Tercinta

Penglibatan universiti dengan pihak industri dan masyarakat luar sememangnya merupakan aspek yang diberi penekanan oleh UniMAP. Sebagai menyokong program pemindahan pengetahuan (Knowledge transfer program) yang digariskan dalam Pelan Strategi Pengajian Tinggi Negara (PSPTN).

Pihak industri misalnya antara lain berperanan dalam menjadikan kurikulum program pengajian yang ditawarkan oleh UniMAP sentiasa relevan dari semasa ke semasa dan mengikuti kehendak industri. Bertepatan juga dengan saranan kerajaan dalam Rancangan Malaysia Ke-11 (RMK11) yang menggalakkan universiti memberi fokus kepada hubungan dengan industri.

Pada malam ini juga, UniMAP melafazkan peri pentingnya jalinan kerjasama strategik dengan rakan-rakan luar. Di awal majlis tadi, kita telah berjaya memeterai 15 lagi kerjasama strategik dengan institusi pendidikan dan industri di dalam dan luar negara. Semoga dengan kerjasama yang dimeterai ini UniMAP

akan terus unggul di persada pendidikan negara sekaligus mencapai sasaran menjadi antara 500 universiti terbaik dunia menjelang 2015. Insya Allah.

UniMAP juga pada malam ini turut melancarkan 21 penerbitan khas di bawah label Penerbit UniMAP. Semoga hasil penerbitan ini mampu menjadi rujukan terbaik buat para pelajar, warga UniMAP keseluruhannya serta masyarakat.

Sebagai penutup kata, saya ingin mengucapkan ribuan terima kasih sekali lagi kepada semua dif kehormat dan tetamu jemputan khas yang sentiasa menyokong pembangunan dan kemajuan UniMAP selama ini. Besarlah harapan saya agar sokongan dan kerjasama anda akan berterusan selagi hayat di kandung badan.

Ampun Tuanku,

Sekian sahaja ucapan patik. Sekali lagi patik ingin merafak sembah,menjunjung kasih yang tidak terhingga kepada Duli Tuanku berdua di atas perkenan berangkat ke majlis pada malam ini. Sesungguhnya kehadiran Duli Tuanku berdua begitu besar ertinya buat patik sekalian.

***Ampun Tuanku Seri Paduka,
Sembah Takzim menjunjung tinggi,
Bergerak seiring suka dan duka,
Menjunjung kasih ikhlas dari hati.***

Patik sudahi dengan Wabillahitaufik Walhidayah Wassalamualaikum Warahmatullahi Wabarakatuh.